


泰安縣鄉土志

夫國家之強弱視乎人才人才之消長在乎學
球大通爲生存競爭優勝劣敗之時代非講求
以培養人才而立自強之基礎是以

詔停科舉設學堂用意至爲深遠而學堂尤以初等小學爲養
正始基其宗旨以教人愛國爲第一要義欲使其愛國必
令自愛其鄉始欲使其愛鄉必令自知其鄉之歷史地理
山川人物而後學問逐漸擴充以啓其知識技能此鄉土
志之所由作也今按日考察依例采錄以備編輯小學教
科書之一助云爾時光緒丁未冬臘月候補知縣署泰安
縣事金谿楊承澤謹叙



泰安縣鄉土志目錄

歷史

政積錄

兵事錄

人類

戶口

氏族

宗教

實業

地理

山 水 道 路 物 產 商 務

歷史

本境建置年代

秦安古爲羸博奉高三縣地

國朝雍正十三年始設附郭縣

賜名秦安以羸境益入奉高故址距今城去東北四十里博有泰山岱廟即今之縣治焉

未置本境以前唐虞夏商周所屬之州

唐虞夏商時代秦治屬青徐兗州之域昔堯遭洪水天下分絕使禹治之還爲九州舜攝位分爲十二州堯徐各置一牧蓋分冀北爲并州東北爲幽州分青之東爲營州夏后受命又爲九州併幽并於冀併營於青而徐州如故商湯革夏亦爲九州則唐虞夏商以來堯青之土已有變遷禹貢曰海岱及淮惟徐州傳云東北據海西南據岱今釋秦安之南境至所言據者要之堯

州跨濟河爲界可知顧炎武郡國利病書云今之兗州合徐而治之非古兗州也蔡氏所謂岱陽濟東是已至周併徐入青又分青入兗自濟以南皆屬焉自周公封於曲阜伯禽爲魯侯遂主泰山之祀合徐兗爲魯境禹貢又曰海岱惟青州謂東至海北至岱今釋泰安之北境周滅商以營丘封太公望爲齊國齊務兼併奄有登萊濟南地今青州特古之一隅耳凡泰山左近州縣唐虞三代所屬或青徐或兗州如此泰安實據今兗州之北古爲博境有泰山岱廟可徵焉

春秋戰國所屬之國

泰安在春秋爲嬴博奉直齊之屬境秦滅諸侯分天下爲三十六郡置齊郡於齊東泗水之間青州尙未分析孟子疏云魯嘗爲齊所伐故齊南有泰山泰山之南非齊本封左傳哀公十一年會吳伐齊克博至嬴昭公八年大蒐於紅成公二年齊圍龍今縣境有紅龍鄉其所屬之州當在魯之北境

秦漢以降歷代所屬郡縣之名

秦併六國罷侯置守分青徐兗州之地爲齊郡漢始分青州西境爲濟南東境爲北海嬴博奉高三縣地屬泰山郡而古青州之域不可復考矣晉及北魏仍漢之舊改博曰博平嬴縣廢蓋漢時縣小嬴旣分割則嬴地之今邑境內者皆屬奉高隋大業初廢奉高改博平曰博城屬魯郡隸兗州唐武德五年置東泰州貞觀初州廢仍屬兗州天寶初屬魯郡乾封元年更博城曰乾封屬兗州魯郡宋改乾封曰奉符屬襲慶府魯郡金初爲泰安軍尋升爲州仍治奉符元因之明省縣入屬濟南至

國朝雍正二年改泰安爲直隸州十三年升爲府設附郭縣

賜名泰安分爲八鄉而疆域仍州之舊

政績錄

興利

明

知州任宏烈長治縣人萬歷三十年知泰安州廉潔愛民食不再簋衣必三澣循行不盛鬪從輕徭賦清狴讞置社學建義倉政績顯著輯有泰安州志知州侯應瑜字佩之杞縣人萬歷四十四年知泰安州心切民瘼改漕米民解爲官解凡差徭不以纖毫累里甲設養濟院務使孤貧得所每躬閱郊原勸農栽樹墾田力不能者給以牛種尤加意學校重修文廟三賢祠建和聖祠捐俸置田九十畝以養寒峻莅任七載陞刑部員外郎祀名宦

國朝

知州林杭學字果菴江寧人康熙五年知泰安州多惠政泰安漕米舊例運兌安山水次倉厥年久損壞每歲出資賃房收米安駕庄等四地方舊爲王史欒任張侯三保以其附近安山准其出資重建倉厥承管修補申請上憲勒石禁約以杜濫派差徭之弊所著有泰山輯瑞集

知州傅鎮邦字定侯遼陽州人任泰安州善政得民順治中清量地畝步弓頗無定額鎮邦以土瘠民貧力爭聲色俱厲卒定以四尺邑至今食其利附祀包公祠

知州徐肇顯字宜菴山陰人康熙四十七年知泰安府多惠政尤留心學校設義塾以訓良秀貧士輒捐俸給之又設戶頭承徵徭糧時戶冊錯雜詭弊百出徃徃一任其役追比代償立致蕩析肇顯探邑人張鍊董睿張雲行等議分畫爲一百八地方順庄改造赤書糧催正戶積弊永除後內擢部郎

知州紀邁宜字偲亭文安縣人雍正七年任泰安知州精飭吏治重修文廟設義學建社倉并勸富民結同善會積蓄以備荒歉值大水汶河泛濫邁宜相度地勢建議築堤近岸居民永免漂沒之患

知縣徐宗幹字樹人南通州人道光初年知泰安縣喜獎拔人材重惜民力增書院肄業膏火嚴其課程設立義學自捐款修小車一百五十輛永免鞘

車之累士民至今稱之

知縣曹鍾彝字洪齋江陰人光緒初年知泰安縣慈祥愷悌折獄勤懇岱下時艱於水捐廉四千緡疏濬水利居民稱便號曹公渠遂鑄澤潤生民等字於旁以誌遺愛云

知縣何毓福鑲紅旗漢軍同治八年任泰安清理庶獄振作文風尤慮貧民流離失所倡捐創修城鄉內外義倉十座安立章程春借秋還使貧民無歲歉之苦至今稱道不衰踰三年以優蹟送部紳士數次稟留不得相與環泣送之

知縣毛澂字蜀雲四川仁壽縣人光緒二十八年知泰安縣事廉能有爲百廢具興除奸革弊民安其業維時外患日亟科舉已停澂目覩時難遂與紳富商籌的款創立學堂數十處訪延教員分門授課以開風氣並設半日學堂教育貧民子弟建教養局俾習工藝立農桑會以盡地利民甚德之

知縣李于鐸字叔堅甘肅武威縣人光緒三十一年任泰安勸民廣栽樹木添設學堂數十處務實戒虛士知感奮撤保甲推行巡警以策治安政簡民懷羣奸屏跡陞沂州府知府

去害

東漢

知縣韓韶字仲黃潁川舞陽人靈帝時公孫舉僞號數年守令莫能制及韶爲羸長賊聞其賢相戒不入境流民入邑界索衣糧韶開倉賑之主者爭謂不可韶曰生活溝壑之人以此伏罪含笑入地矣太守素知韶名德竟不以罪入名宦

宋

包拯字希仁合肥人仁宗時爲京東轉運使性峭直而行事敦厚吏有苛刻者必痛繩之以是民畏而知感建祠於泰山下舊志云拯曾爲奉符尹

知縣馬永伯寶元間令奉符爲人廉以儉嚴馭吏胥而紆靜以字民賦稅惟
召耆叟與之約不任催租吏輸納恒先於旁邑去時貧甚鬻衣以行見徂徠
集

縣丞馬仲字時仲東平人嘗爲奉符丞攝令事方歲歉而朝廷行茶引仲曰
民方救死不贍豈可重困之太守怒曰朝命安可抗仲曰身爲令誠不忍見
民轉溝壑守曰湏先劾爾事乃可行民聞仲被劾爭赴愬諸司或徑達臺省
事遂解累官監察御史以直聲振於時

明

知州高嶼北京錦衣衛人正德中守泰安剛明沈毅抑豪橫招流亡視民如
子時劇盜劉六等各有衆數千人橫行中原破泰安縱火荼毒州長貳以罪
去嶼蒞政設守禦賊率衆攻城嶼督兵臨禦驍賊鼓勇登城兵少却嶼激勵
將士奮勇抵禦殺賊首餘怖而退乘勝擊走之嶼當大寇攻圍躬環甲胄倥

惚危急裁決機宜若素定焉逾年擢都水郎中民鑄石頌功德終山東按察副使入名宦

知州戴經嘉興舉人知泰安州仁愛無私重惜民財時武宗將南巡僚屬謂宜斂民以備經曰甯以身殉職弗爲也上官惡其耿介論劾遂棄官歸其之官時携二篋歸裝如之未嘗有所加至今州人稱之

知州鄭聚東廣安舉人前任高郵起復嘉靖三十一年知泰安州時高郵軍民交章奏借而泰安父老爭赴保留慈祥愷悌節費裁冗矜恤貧民痼瘼切身遇連歲大荒餓殍枕藉極力撫綏賴以全活

知州劉徑仁解州人萬歷十三年任泰安州十六年大饑徑仁開倉賑濟又煮粥以給就食者時饑民多乘隙爲盜徑仁恩威互用盜賊屏息更勤於教士日課月程一時人才甚盛

國朝

知州祁國祚涇陽人康熙四十一年由莒州調泰安時大饑國祚下車卽以民流離狀聞於上官州得免歲賦邀恤典尤盡心賑事計口授糧務使民無失所復捐俸贖民間已鬻子女多製絮衣給民賴以全活者數萬戶

同知張奇逢字禹玉石門人康熙五十一年爲泰安同知見學宮頽圯卽率邑人重修費不給典衣助之五十三年夏旱米價騰貴爲請開倉平糶又二年歲饑按戶散賑一無漏冒時徂徠前有販私鹽者聚衆滋擾奇逢率役往捕罪其首魁餘黨悉招撫之

知州吳曙字芸齋烏程縣人雍正二年知泰安州性古直以禮待士心切民瘼剔弊釐奸豪強斂跡時秦麓居民有運送中伏之累永爲革除至今稱之知州王以夔字虞音大興人雍正五年知泰安風裁峻整吏民肅然豪猾不敢犯時舊例解運

御服凡所經過俱苦需索雍正六年一夔白於撫軍塞榜額奏請裁革後累遷

湖南道

知縣稽承羣相國璜之四子也由貳尹於乾隆五十一年遷泰安令五十五年

聖駕東巡今悉蠲除派累庇戶一切舊規以故民稱爲慈母云

聽訟

國朝

知縣李松興安州人乾隆四年知泰安縣事廉幹仁明懲游俠勤撫字政簡刑清未幾以內艱去吏民懷之

知縣高澤履字楚亭潘陽人天姿明敏善折獄盜賊斂跡無犯邑境者時有夜不閉戶之稱惜在任日淺遷武定同知

知縣蕭槩江西人慈惠愛人善善惡惡無敢干以私者後陞遷去民攀轅留之不得

知縣王所依字鴻勳交河縣人乾隆五年任泰安優崇師儒嚴正執法遇事務持大體不以色笑假人斷獄必詳審再四惟恐一有冤抑遇奸猾不少貸嘗自署一聯云懲惡無非冷面目愛民俱是熱心腸後以勞瘁卒於官

知縣陳錕字厚岩海甯人乾隆十三年署泰安裁決如流案無積牘至今猶稱其仁

知縣史錦字存素餘姚人乾隆二十年知泰安敏練有才事至不數語立折士民立遺愛碑陞濟甯知州

知縣王溥字孟章江南山陽人乾隆四十年由冠縣調繁來縣聽斷嚴明吏皆畏之越二載境內肅然

知縣張鳴鐸字鈞陶直隸靜海人乾隆四十二年令泰安寬厚有容與前令得寬猛交濟之義邑人愛戴如慈母尋以憂去士民涕泣送之

兵事錄 (以前文獻無徵故概從缺)